



## POSLEDNJE IZ KATEGORIJE

## EUROPSKO PRVENSTVO, KVALIFIKACIJE

**U subotu sastanak Magode sa tri predsjedavajuća**

RSBiH vapi za generalnim sekretarom

Kada je izabran prošli saziv Upravnog odbora Rukometnog saveza Bosne i Hercegovine, 10. juna 2017. na litiđi, na čelu sa Amirom Zahirovićem, ocijenjeno je to kao historijski dan za bh. rukomet. Preregistrovalo se, prešlo sa jednog pravnog subjekta na drugi, no olako se zanemarila činjenica da postoje dugovanja prema ljudima.



14.11.18. 15:55

## EUROPSKO PRVENSTVO, KVALIFIKACIJE

**Rukometna reprezentacija BiH putuje u Katar**

Dvije prijateljske utakmice pred kraj godine

Rukometna reprezentacija Bosne i Hercegovine imaće idealne provjere pred kraj ove godine, a sve u cilju kako bi što spremnije dočekala april iduće i dvomeč sa selekcijom Finske, koji će vjerovatno i odrediti naš put ka Evropskom prvenstvu.



12.11.18. 23:21

## RSBiH: Laž je da smo u Bjelorusiju putovali autobusom

### Zvanično saopštenje za javnost

Upravni odbor Rukometnog saveza BiH objavio je saopštenje povodom napisa na društvenim mrežama i u medijima vezanih za organizaciju utakmica s Bjelorusijom i Češkom.

V. Vukmirović  
30.10.18. 09:11



"S obzirom na brojne neistinite informacije koje se konstantno plasiraju putem sredstava informisanja i društvenih mreža, a upućenih na adresu UO RSBiH u vezi organizacije utakmica reprezentacije Bosne i Hercegovine u kvalifikacijama za Evropsko prvenstvo 2020., između BiH i Bjelorusije te Češke i BiH, nalazimo neophodnim javnost obavijestiti o slijedećem.

Članovi Upravnog odbora Rukometnog saveza BiH su izabrani na sjednici vanredne Skupštine Rukometnog saveza BiH koja je održana 26. avgusta 2018. godine.

Stanje u Rukometnom Savezu Bosne i Hercegovine u momentu kada je novi Upravni odbor imenovan, odnosno kada je početkom 9-og mjeseca održao sjednicu u prostorijama Saveza, bilo je slijedeće:

- RSBiH nije imao porezni ID broj, a samim time niti transakcijski račun
- Telefoni u Rukometnom Savezu su bili isključeni
- Rukometni Savez nije imao generalnog sekretara, administrativnog radnika, odnosno tačnije nijednog zaposlenog
- Server Rukometnog Saveza je odnešen (otuđen) iz prostorija Saveza od nepoznatih lica
- Baza podataka o igračima je odnešena (otuđena) iz prostorija Saveza
- U prostorijama Saveza nije zatečeno ništa od sportske opreme
- U prostorijama Saveza nije pronađen nijedan ugovor sa sponzorima i dobavljačima sportske opreme
- U pola kancelarija Saveza nije bilo električne energije

**POGODI  
NAJVEĆU KVOTU**

od 16.11. do 15.12.



BET



Kada se prednjim navodima doda činjenica da primopredaji dužnosti nije prisustvovao nijedan od članova odlazećeg UO, te da se na taj način nisu mogli dobiti podaci o ev. stanju sredstava RSBiH na računima drugih pravnih lica, kao ni podaci o sponzorima Saveza i reprezentacije BiH, te podaci o dobavljačima sportske opreme za reprezentaciju i ugovorima sa istim, mislimo da je apsolutno jasno sa kakvim se problemima susreo novi Upravni odbor pred početak premijer lige RSBiH za muškarce i žene 2018/2019 godine, te pred dvije kvalifikacione utakmice reprezentacije BiH za evropsko prvenstvo 2020.godine.

Da bi RS BiH mogao funkcionisati najprije je bilo neophodno ponovo uključiti telefone i internet, do čega je došlo plaćanjem duga prema BH Telecomu u iznosu od cca 800,00 KM, isključivo ličnim sredstvima članova novoizabranog UO.

Uz nevjerovatne opstrukcije, koje su se dijelom ogledale i činjenici da je nakon uključjenja, mail adresa RSBiH non-stop zloupotrebjavana, a imajući u vidu stanje Saveza kako je naprijed opisano, novoizabrani članovi UORSBiH su uspjeli organizovati i početak premijer lige i obje utakmice kvalifikacija reprezentacije.

Kada je u pitanju organizacija utakmice i putovanje u Bjelorusiju, napominjemo da su novoizabrani članovi UO u veoma kratkom vremenu obezbjedili sredstva za pripreme reprezentacije u Tuzli, a potom odlazak u Bjelorusiju avionom i njihov povratak, takođe sa avionom, za šta je plaćeno 17.850,00 KM, čime ujedno demantujemo krajnje zlonamjernu informaciju da su igrači rukometne reprezentacije išli u Bjelorusiju autobusom.

Napominjemo da je RS BiH uplatio i dio duga selektoru gosp.Šuman Bilalu u iznosu od 20.000,00 KM.

Takođe je isplaćen i dug prema agenciji „Lambada“ u iznosu od 1.700,00 KM radi realizacije prevoza do i iz Beograda, odakle se putovalo avionom.

Želimo napomenuti i upoznati javnost da će svim igračima biti plaćeni putni troškovi do kraja sedmice, u toku je priprema odgovarajuće dokumentacije na temelju koje će se izvršiti ova isplata.

Neugodno smo iznenađeni da se novoizabranom UO spočitava i činjenica da je reprezentacija BiH odigrala dvije utakmice u dva dana, obzirom da je termin odigravanja ovih utakmica utvrđen ranije i svu odgovornost snosi raniji UO i generalni sekretar. U odnosu na ovu činjenicu novoizabrani UO ne želi niti može preuzeti bilo kakvu odgovornost. U vezi s tim napominjemo da smo u kontaktima sa EHF-om pokušali promijeniti termin utakmice sa Češkom za jedan dan, ali naprosto to nije bilo moguće.

Napominjemo da su nas potezi ranijeg UO i Generalnog sekretara koštali Gerfloor podloge za utakmicu sa Češkom, koja od strane EHF-a nije dostavljena samo iz razloga jer su čelnici ranijeg UO RSBiH obavijestili EHF da RS BiH nema adresu!

Stoga je, u najmanju ruku, neozbiljno bilo kakvu odgovornost za ovu činjenicu pripisivati novoizabranom UO.“ navodi se u saopštenju Rukometnog saveza Bosne i Hercegovine.